



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliorvm Omnivm Generalivm Et Provincialivm Collectio Regia

Ab anno DLXXVII. ad annum DXC.

Parisiis, 1644

Epistola XXVI. Gregorii Papae I. Ad Maximianvm Episcopvm Syracusanvm.
De ecclesia Liparitana ordinanda.

urn:nbn:de:hbz:466:1-15221

EPISTOLA XXVI.

GREGORII PAPÆ I.

AD MAXIMIANVM EPISGOPVM SYRACVSANVM.

De ecclesia Liparitana ordinanda.

Gregorius Maximiano episcopo Syracusano.

LOCIS inimicis ecclesia constituta pastoris vacare non debet officio. Quia igitur ecclesia Liparitana sacerdote priuata dignoscitur, ideo Paulinum Taurianensis ecclesiae episcopum in prædicta ecclesia Liparitana fraternitas tua sine mora præesse constituat, ut officii sui administrationem in eadem ecclesia vigilanter exhibeat, & quæque eius utilitatibus conuenire didicerit, ordinare non desinat. Cunctumque clerum ut in omnibus canonice ei obediens debeat admoneas, quatenus præfatæ ecclesiæ in cunctis utilitas, prædicto fratre & coepiscopo nostro disponente, Christo adiuuante procurari valeat.

EPISTOLA XXVII.

GREGORII PAPÆ I.

AD CROTONIENSES.

De Ioanne visitatore Crotoniensis ecclesiæ.

*Gregorius Ioanni, clero, ordini & plebi consentiens Crotonæ.*Ioan. diac.
libro 3, cap.
22.

VESTRÆ antistitis obitum cognoscentes, curæ nobis fuit destitutæ ecclesiæ visitationem fratri & coepiscopo nostro Ioanni solenniter delegare. Cui dedimus in mandatis, ut nihil de prouectionibus clericorum, reditu, ornatu, ministeriisque a quoquā usurpari patiatur. Cuius vos assiduis adhortationibus obedire conuenit, & remoto strepitu, uno eodemque consensu, talem vobis præficiendum expetite sacerdotem, qui & a venerandis Canonibus nulla discrepet ratione, & tanto ministerio dignus valeat reperiri. Qui dum fuerit postulatus, cum solennitate decreti omnium subscriptionibus roborati, & visitatoris pagina prosequente, ad nos veniat ordinatus: prouisuri ante omnia, ne cuiuslibet vitæ vel meriti laicam personam præsumatis eligere. Nam non solum talem ad episcopatus apicem nulla ratione prouehendum, verum etiam vos nullis